



ГАДААДЫН ИРГЭН, ХАРЬЯАТЫН ГАЗРЫН ДАРГЫН ТУШААЛ

2021 оны 10 сарын 25 өдөр

Дугаар А/185

Улаанбаатар хот

Заавар батлах тухай


Засгийн газрын агентлагийн эрх зүйн байдлын тухай хуулийн 8 дугаар зүйлийн 8.4 дэх хэсгийг үндэслэн ТУШААХ нь:

1. “Гадаадын иргэний хяналтын улсын байцаагчийн ажиллах заавар”-ыг нэгдүгээр, “Шалгалтын тэмдэглэл”-ийн загварыг хоёрдугаар, “Баримт бичиг түр хураасан, буцаан олгосон хуудас”-ны загварыг гуравдугаар, “Ярилцлага хийсэн тэмдэглэл”-ийн загварыг дөрөвдүгээр, “Оролцогчийг сонсох ажиллагааны мэдэгдэл”, “Сонсох ажиллагааны явц, үр дүнгийн талаарх тэмдэглэл”, “Сонсох ажиллагаа явуулсан тэмдэглэл”-ийн загварыг тавдугаар хавсралтаар тус тус баталж, 2021 оны 11 дүгээр сарын 01-ний өдрөөс эхлэн мөрдсүгэй.

2. Энэ тушаал гарсантай холбогдуулан Иргэний харьяалал, шилжилт хөдөлгөөний ерөнхий газрын даргын “Заавар батлах тухай” 2015 оны А/119 дүгээр тушаалыг хүчингүй болсонд тооцсугай.

3. “Баримт бичиг түр хураасан, буцаан олгосон хуудас” хэвлүүлэх зардлыг байгууллагын төсвөөс гаргахыг Санхүүгийн хэлтэс (Ж.Солонго)-т зөвшөөрсүгэй.

ДАРГА




Н.УУГАНБАЯР


Хоёр. Журмын “2.2”, “2.9”, “3.1”, “3.2” дахь заалтуудыг тус тус хүчингүйд тооцсугай.

Гурав. Энэ тушаалыг улсын нэгдсэн бүртгэлд бүртгэсэн өдрөөс эхлэн дагаж мөрдөхийг Зөрчил шалган шийдвэрлэх газар (Х.Бэхбат)-т үүрэг болгосугай.

ДАРГА



Н.УУТАНБАЯР



ГАДААДЫН ИРГЭНИЙ ХЯНАЛТЫН УЛСЫН БАЙЦААГЧИЙН АЖИЛЛАХ ЗААВАР

Нэг.Нийтлэг үндэслэл

1.1.Гадаадын иргэн, харьяатын газрын гадаадын иргэний хяналтын улсын байцаагч (цаашид “Хяналтын улсын байцаагч” гэх) нь гадаадын иргэний талаарх хууль тогтоомжийн хэрэгжилтэд хяналт тавих хүрээнд хяналт шалгалтыг хуульд заасан үндэслэл, журмын дагуу явуулахдаа энэхүү зааврыг баримтална.

1.2.Хяналтын улсын байцаагч нь хяналт шалгалтыг Төрийн хяналт шалгалтын тухай, Гадаадын иргэний эрх зүйн байдлын тухай, Иргэдээс төрийн байгууллага, албан тушаалтанд гаргасан өргөдөл, гомдлыг шийдвэрлэх тухай, Зөрчлийн тухай, Зөрчил шалган шийдвэрлэх тухай болон холбогдох бусад хууль тогтоомжийг үйл ажиллагаандаа мөрдөж, хэний ч нөлөөнд үл автан хараат бус, бие даасан шийдвэр гаргаж, төрийн албан хаагчийн болон хяналтын улсын байцаагчийн ёс зүйн хэм хэмжээг чанд сахин мөрдөнө.

Хоёр.Хяналт шалгалтын үе шат, нутаг дэвсгэр

2.1.Хяналт шалгалт нь дараах үе шаттай байна:

- 2.1.1.бэлтгэл ажлыг хангах;
- 2.1.2.хяналт шалгалт явуулах;
- 2.1.3.үр дүнг танилцуулж, шийдвэр гаргах.

2.2.Төв болон орон нутаг дахь нэгж нь харьяалах нутаг дэвсгэртээ хяналт шалгалт явуулна.

2.3.Орон нутаг дахь нэгжийн хяналтын улсын байцаагч нь байгууллагын даргын баталсан “Боомт, орон нутаг дахь нэгжийн ажиллах журам”-д заасныг баримтлах бөгөөд хяналт шалгалт явуулахдаа энэ зааврыг мөрдөнө.

Гурав.Хяналт шалгалтын бэлтгэл ажлыг хангах

3.1.Хяналтын улсын байцаагч нь хяналт шалгалтыг явуулахдаа дараах бэлтгэл ажлыг хангасан байна:

3.1.1.хяналт шалгалттай холбоотой мэдээ, мэдээллийг цуглуулах, шалгуулагч гадаадын иргэн, харьяалалгүй хүн, түүний уригч (цаашид “Шалгуулагч” гэх)-ийн байгаа объект, түүний орц, гарцыг судлах, урьдчилан сэргийлэх арга хэмжээг авах, тооцоолох;

3.1.2.гадаадын иргэний виз, бүртгэл, мэдээллийн нэгдсэн сангаас хяналт шалгалтын үйл ажиллагаанд ашиглах мэдээллийг зөөврийн төхөөрөмжид хуулах;

3.1.3.хяналт шалгалтын үйл явц болон илэрсэн зөрчлийг баримтжуулах зорилгоор дуу, дуу-дүрсний бичлэг хийх техник хэрэгслийг бэлтгэх, шаардлагатай

тохиолдолд уг техник хэрэгслийг ашиглах (фото аппарат, дуу хураагуур, дрон, энгэрийн камер, камер зэрэг);

3.1.4.хяналт шалгалтыг явуулахад үүсч болох эрсдлийг тооцож, аюулгүй байдлаа хангах;

3.1.5.эрх бүхий албан тушаалтны баталсан удирдамж, албаны үнэмлэх, шалгалтын тэмдэглэл, баримт бичиг түр хураан авсан болон буцаан олгосон хуудсыг бэлтгэх;

3.1.6.иргэн, аж ахуйн нэгж, байгууллагаас ирүүлсэн өргөдөл, хүсэлт, гомдол, мэдээлэл нь холбогдох хууль тогтоомжид заасан үндэслэл бүхий эсэхийг урьдчилан нягтлах;

3.1.7.хяналт шалгалтад ашиглах тээврийн хэрэгслийн зардал, явах чиглэлийг тооцоолох.

3.2.Хяналтын улсын байцаагч нь баталсан удирдамжийн дагуу хяналт шалгалтыг хийж гүйцэтгэнэ. Хяналт шалгалтыг улсын хэмжээнд эсхүл тодорхой нутаг дэвсгэрт явуулж болох бөгөөд төвд байгууллагын дарга, орон нутагт тухайн нэгжийн дарга тус тус баталж, бүртгэл хөтөлнө.

3.3.Төв нь улсын хэмжээнд зохион байгуулах, эсхүл тодорхой нутаг дэвсгэрт хийх хяналт шалгалтыг харьяалах орон нутаг дахь нэгжээр гүйцэтгүүлж болно.

3.4.Хяналтын улсын байцаагч нь тухайн шалгалтыг эхлэхийн өмнө шалгуулагчтай холбоотой хяналт шалгалтыг өмнө нь явуулж байсан эсэх, гаргасан зөрчил, шийдвэрлэлтийн талаар урьдчилан нягталж, холбогдох материалтай нь танилцаж болно.

Дөрөв.Хяналт шалгалт явуулах

4.1.Хяналт шалгалтыг хоёр буюу түүнээс дээш хяналтын улсын байцаагч хамтран явуулна. Шаардлагатай тохиолдолд удирдлагын шийдвэрээр дангаар болон бусад нэгж, эрх бүхий байгууллагатай хамтран хяналт шалгалт явуулж болно.

4.2.Хяналтын улсын байцаагч хяналт шалгалтын явцад дараах ажиллагааг хийж гүйцэтгэнэ:

4.2.1.хяналт шалгалт эхлэхийн өмнө шалгуулагчид албаны үнэмлэхээ үзүүлэн удирдамж, шалгалтын зорилго, бүрэлдэхүүнийг танилцуулах;

4.2.2.хяналт шалгалтын үйл ажиллагааны явц болон илэрсэн зөрчлийг баримтжуулах зорилгоор шаардлагатай тохиолдолд фото зураг, дуу, дуу-дүрсний бичлэг хийх, энэ талаар шалгуулагчид урьдчилан мэдэгдэх;

4.2.3.гадаадын иргэн зохих ангиллын виз, оршин суух зөвшөөрөлтэй эсэхийг тодруулах, Монгол Улсад орохыг үл зөвшөөрөх үндэслэл бүхий тохиолдолд бодит байдлыг тогтоох зорилгоор шалгуулагч болон бусад холбогдох этгээдтэй ярилцлага хийх, тайлбар, баримт гаргуулах;

4.2.4.хяналт шалгалтаар тогтоогдсон нөхцөл байдлын талаар шалгалтын тэмдэглэл үйлдэх;

4.3.Хяналтын улсын байцаагч нь шалгуулагчийн хувийн болон бодит байдлыг тогтоохоор Төрийн хяналт шалгалтын тухай хуулийн 3¹.1.2-т заасан хяналт шалгалтын арга, хэлбэрийг ашиглан, эсхүл илэрхий зөрчилтэй тохиолдолд зөрчил шалган шийдвэрлэхэд ач холбогдол бүхий нотлох баримтыг олж тогтоох зорилгоор Зөрчил шалган шийдвэрлэх тухай хуулийн 4.3 дугаар зүйлд зааснаар үзлэг хийж болно.

4.4.Хяналт шалгалтын явцад илрүүлсэн гадаадын иргэний зөрчилтэй баримт бичгийг түр хураан авч, тэмдэглэл үйлдэх ба хувийг шалгуулагчид өгнө.

4.5.Хяналт шалгалтын явцад паспорт, түүнийг орлох баримт бичиггүй, эсхүл хэн болох нь тогтоогдохгүй байгаа гадаадын иргэнийг саатуулах арга хэмжээ авна.

4.6.Шалгалтын үед шалгуулагч нь хяналтын улсын байцаагчийн хууль ёсны шаардлагыг зориуд биелүүлээгүй, хүч хэрэглэж эсэргүүцсэн, хүний амь нас, эрүүл мэндэд хохирол учруулж болзошгүй байдлаар довтолсон тохиолдолд Хууль зүйн сайдын 2014 оны А/90 дүгээр тушаалаар баталсан "Иргэний харьяалал, шилжилт хөдөлгөөний хяналтын улсын байцаагч тусгай хэрэгсэл, мэх хэрэглэх тусгай хэрэгслийг хадгалах заавар"-ын дагуу тусгай хэрэгсэл, мэх хэрэглэнэ.

4.7.Монгол Улсад хувийн хэргээр оршин суух зөвшөөрөл олгох, сунгуулахыг хүссэн гадаадын иргэний хүсэлт, холбогдох материалыг виз, зөвшөөрлийн асуудал хариуцсан нэгжээс шалгуулахаар шилжүүлсэн тохиолдолд хяналтын улсын байцаагч шалгаж, дүгнэлт үйлдэнэ.

4.8.Монгол Улсын харьяат болох, Монгол Улсын харьяат хүүхдийг үрчлүүлэх, олон улсын болон гадаад улсын төрийн бус байгууллагын салбар, төлөөлөгчийн газарт тус улсад үйл ажиллагаа явуулах зөвшөөрөл олгох, сунгуулах хүсэлтийг байгууллагын даргын баталсан удирдамжийн дагуу хяналтын улсын байцаагч харьяатын асуудал хариуцсан нэгжийн албан хаагчтай хамтран шалгаж, дүгнэлт үйлдэнэ.

4.9.Хяналтын улсын байцаагч нь хяналт шалгалтын явцад Зөрчлийн тухай хуульд заасан зөрчил илрүүлсэн бол зөрчлийн холбогдогчид Зөрчил шалган шийдвэрлэх тухай хуулийг баримталж, зөрчил шалган ажиллагааны эрх зүйн хэлбэрийг хэрэглэн шийдвэр гаргана.

4.10.Хяналтын улсын байцаагч нь хяналт шалгалтын явц, илрүүлсэн зөрчил, нөхцөл байдлын талаар өөрийн харьяалах нэгжийн дарга болон хяналтын улсын ахлах байцаагчид 24 цагийн дотор биечлэн болон утсаар мэдэгдэнэ.

4.11.Хяналт улсын байцаагч нь хяналт шалгалт явуулахдаа ашиг сонирхлын зөрчилгүй гэдгээ илэрхийлэх, хэрэв ашиг сонирхлын зөрчил үүссэн бол зөрчил үүссэн тухай мэдэгдлийг байгууллагын эрх бүхий албан тушаалтанд гаргана.

Тав.Хяналт шалгалтын үр дүнг танилцуулж, шийдвэр гаргах

5.1.Хяналт шалгалтын дүнг хяналтын улсын ахлах байцаагч, эсхүл хяналтын улсын байцаагч удирдамжид заасан хугацаанд нэгтгэж, хяналт шалгалтын асуудал хариуцсан нэгжийн даргаар уламжлуулан байгууллагын даргад илтгэх хуудсаар танилцуулна.

5.2.Хяналтын улсын байцаагч нь шалгалтаар тогтоогдсон нөхцөл байдал, илэрсэн зөрчил, шалгуулагчийн шалгалтын явцад гаргасан тайлбар, холбогдох бусад бичиг баримтыг үндэслэн хуульд нийцсэн шийдвэр гаргана.

5.3.Хяналт шалгалтын явцад илрүүлсэн зөрчлийг харьяаллын дагуу бусад нэгжийн хяналтын улсын байцаагчид шилжүүлсэн бол шийдвэрлэсэн хяналтын улсын байцаагч гаргасан шийдвэрийнхээ талаар анх зөрчлийг илрүүлсэн нэгжид мэдэгдэж, хамтран ажиллана.

5.4.Хяналт шалгалт явуулсан тухай бүр хяналт шалгалтын объектын нэгдсэн санд баяжилт хийж, бүртгэл хөтөлнө.

Зургаа.Хяналт шалгалтын явцад үйлдэх бичиг баримт, түүний бүрдэл

6.1.Хяналт шалгалтын явцад болон хяналт шалгалтын ажиллагаа, үр дүнгийн талаар дараах бичиг баримтыг үйлдэнэ:

- 6.1.1.удирдамж;
- 6.1.2.шалгалт хийсэн тэмдэглэл;
- 6.1.3.ярилцлага хийсэн тэмдэглэл;
- 6.1.4.баримт бичиг түр хураасан, буцаан олгосон хуудас;
- 6.1.5.хяналт шалгалт хийсэн тухай илтгэх хуудас;
- 6.1.6.хяналтын улсын байцаагчийн дүгнэлт;
- 6.1.7.хяналтын улсын байцаагчийн албан шаардлага;
- 6.1.8.хуульд заасан бусад бичиг баримт.

6.2.Хяналт шалгалтын явцад хяналтын улсын байцаагчаас үйлдэх бичиг баримтын ерөнхий бүрдэлд уг бичиг баримт үйлдсэн огноо, дугаар, газар, хяналтын улсын байцаагчийн нэр, гарын үсэг, гарын үсгийн тайлал, шалгуулагчийн овог, нэр, хаяг, байршил, ажил эрхлэлтийн байдал, гарын үсэг, гарын үсгийн тайлал байх бөгөөд хяналтын улсын байцаагч гарын үсэг зурж, тэмдэг дарах ба хоёроос дээш хяналтын улсын байцаагч хамтран гаргах бол тус бүр гарын үсэг зурж, тэмдэг дарна.

6.3.Хяналт шалгалтын бичиг баримт нь албан хэрэг хөтлөлтийн нийтлэг журам, стандарт, байгууллагын даргын 2021 оны “Албан хэрэг хөтлөлтийн журам батлах тухай” А/119 дүгээр тушаалд нийцсэн байна.

6.4.“Баримт бичиг түр хураасан, буцаан олгосон хуудас” нь зөрчил шалган шийдвэрлэх ажиллагааны эрх зүйн хэлбэрийн жагсаалт, загварт заасан “Эд зүйл, баримт бичгийг хураан авсан тухай” тэмдэглэлээс өөр загвартай байх бөгөөд зөрчил шалган шийдвэрлэх ажиллагаанаас бусад ажиллагааны явцад гадаадын иргэний паспорт, түүнийг орлох баримт бичгийг хураасан болон буцаан олгосон үед хөтөлнө.

6.5.Хяналтын улсын байцаагчийн хяналтын шалгалтын дүгнэлтэд дараах зүйлийг тусгана:

- 6.5.1.хууль зүйн үндэслэл;
- 6.5.2.шалгалтаар илэрсэн нөхцөл байдал;
- 6.5.3.шийдвэрлэлт.

6.6.Гадаадын иргэнийг Монгол Улсаас албадан гаргах тухай хяналтын улсын байцаагчийн дүгнэлтэд дараах зүйлийг тусгана:

- 6.6.1.албадан гаргах дүгнэлт үйлдэх хууль зүйн үндэслэл;
- 6.6.2.албадан гаргах гадаадын иргэний талаарх мэдээлэл;
- 6.6.3.гаргасан зөрчил (виз олгосон байгууллага, визийн ангилал, визийн байх хугацаа, улсын хил нэвтэрсэн боомт, огноо, зөрчлийн төрөл, хугацаа зэрэг мэдээллийг дэлгэрэнгүй бичих);
- 6.6.4.гаргасан зөрчилд ямар хуулийн зүйл, заалтаар шийтгэл оногдуулсан;
- 6.6.5.оногдуулсан шийтгэлийг бүрэн төлж барагдуулсан эсэх;
- 6.6.6.ямар хуулийн зүйл, заалтын дагуу ямар хугацаагаар албадан гаргахаар шийдвэрлэсэн;
- 6.6.7.сонсох ажиллагаа хийсэн тухай тэмдэглэл;
- 6.6.8.албадан гаргах гадаадын иргэний паспорт, түүнийг орлох баримт бичгийн хуулбар (нүүрэн тал, зорчигчийн улсын хил нэвтрэх эрхийн баримт бичигт хийсэн тэмдэглэл (визгүй зорчдог орны иргэний хувьд мөн адил хамаарна), хамгийн сүүлд орж ирсэн виз, эсхүл оршин суух зөвшөөрлийн мэдээлэл);

6.6.9.эрх бүхий байгууллагын шийдвэрийн хуулбар (шүүхийн хүчин төгөлдөр шийдвэр болон холбогдох бусад бичиг баримт);

6.6.10.тээврийн хэрэгслийн тийз (тасалбар)-ний хуулбар.

6.7.Хяналтын улсын байцаагчийн дүгнэлт нь энэ зааврын 6.2-т заасан бүрдлээс гадна, агуулгын хувьд аливаа үйл ажиллагаа, бодит байдал, ажил хэрэг, үр дүнг тодорхойлсон хууль зүйн үндэслэл бүхий бичиг баримт байна.

6.8.Шалгуулагч энэ зааврын 6.1-д заасан хяналт шалгалтын явцад үйлдэх бичиг баримттай танилцах, гарын үсэг зурахаас татгалзсан тохиолдолд шалтгааныг заасан тайлбарыг уг бичиг баримтад бичнэ.

6.9.Энэ зааврын 6.1.1, 6.1.2, 6.1.4, 6.1.7-д заасан бичиг баримтын нэг хувийг шалгуулагчид өгнө.

Долоо.Хяналт шалгалтын бүртгэл

7.1.Төв, орон нутаг дахь нэгж хяналт шалгалтын чиглэлээр дараах бүртгэлийг цаасан болон цахим хэлбэрээр хөтөлнө:

7.1.1.хяналт шалгалтын удирдамжийн;

7.1.2.илтгэх хуудасны;

7.1.3.баримт бичиг түр хураасан, буцаан олгосны;

7.1.4.албан шаардлагын;

7.1.5.гарах сануулгын;

7.1.6.барьцааны гэрээний;

7.1.7.хилээр нэвтрүүлэлгүй буцаасан иргэний;

7.1.8.хялбаршуулсан журмаар шалган шийдвэрлэсэн зөрчлийн;

7.1.9.зөрчлийн хэрэг нээж, хэрэг бүртгэлт хийсний;

7.1.10.зөрчлийн талаарх гомдол, мэдээллийг хүлээн авахаас татгалзсан шийдвэрийн;

7.1.11.зөрчлийн талаарх гомдол, мэдээллийг харьяаллын дагуу шилжүүлсний;

7.1.12.эрх хязгаарлах арга хэмжээний.


Найм.Хариуцлага

8.1.Хяналт шалгалтын явцад олж авсан мэдээллийг өөр зорилгоор ашиглах, бусдад дамжуулахыг хориглоно.

8.2.Хяналт шалгалтыг хуульд заасан журмын дагуу явуулаагүй, төрийн албан хаагчийн болон хяналтын улсын байцаагчийн ёс зүйн дүрмийг зөрчсөн тохиолдолд холбогдох хуульд заасан хариуцлага хүлээлгэнэ.

-----oOo-----

Гадаадын иргэн, харьяатын газрын
даргын 2021 оны 118 дугаар тушаалын
хоёрдугаар хавсралт



ШАЛГАЛТЫН ТЭМДЭГЛЭЛ

..... он сар.....өдөр

(үйлдсэн газар)

Гадаадын иргэн, харьяатын газрын (орон нутаг дахь нэгжийн) даргын баталсан ...оны ... дугаар сарын ...-ны өдрийн ... дугаартай удирдамжид заасны дагуу хяналтын улсын байцаагч (ахлах)нар ... оны дугаар сарын-ны өдөр ... цагтхаягт хяналт шалгалтыг хийлээ.

1.Шалгалтад хамрагдсан иргэн, аж ахуйн нэгж, байгууллагын мэдээлэл:

.....

.....

.....

.....

.....

2.Шалгалтаар тогтоогдсон нөхцөл байдал:

.....

.....

.....

.....

.....

3.Шалгасан баримт бичгийн мэдээлэл (хавсралтаар):

.....

.....

.....

.....

.....

4.Хяналтын улсын (ахлах) байцаагчийн санал, дүгнэлт:

.....

.....

.....

.....

.....

5.Шалгуулагчийн санал, хүсэлт:

.....

.....

.....

.....
.....

ТЭМДЭГЛЭЛ ҮЙЛДСЭН:
ГАДААДЫН ИРГЭНИЙ ХЯНАЛТЫН
УЛСЫН БАЙЦААГЧ

(НЭР)


ШАЛГУУЛСАН:
ГАДААДЫН ИРГЭН
(УРИГЧИЙГ ТӨЛӨӨЛӨГЧ)

(НЭР)

6. Шалгуулагч гарын үсэг зурахаас татгалзсан тухай тэмдэглэл:

.....
.....
.....
.....
.....

Гадаадын иргэн, харьяатын газрын
даргын 2021 оны № дугаар тушаалын
гуравдугаар хавсралт



БАРИМТ БИЧИГ ТҮР ХУРААСАН, БУЦААН ОЛГОСОН ХУУДАС

..... он сар.....өдөр

Дугаар

(үйлдсэн газар)

1.Гадаадын иргэний эрх зүйн байдлын тухай хуулийн 41 дүгээр зүйлийн 41.7.2-т заасныг үндэслэн Улсын иргэн-ийн дугаартай Ширхэг паспорт, түүнийг орлох баримт бичгийг зөрчлийг шийдвэрлэх хүртэл түр хураав.

ХУРААСАН:

Хяналтын улсын байцаагч

..... (Нэр)

ХУРААЛГАСАН:

Гадаадын иргэн (Төлөөлөгч)

..... (Нэр)

2.Баримт бичиг буцаан олгосон тухай тэмдэглэл:..... оны сарын-ны өдөр буцаан олгов.

БУЦААН ОЛГОСОН:

Хяналтын улсын байцаагч

..... (Нэр)


ХҮЛЭЭН АВСАН:

Гадаадын иргэн (Төлөөлөгч)

.....(Нэр)



Гадаадын иргэн, харьяатын газрын
даргын 2021 оны 11 дугаар тушаалын
дөрөвдүгээр хавсралт



ЯРИЛЦЛАГА ХИЙСЭН ТЭМДЭГЛЭЛ

..... он сар.....өдөр

.....
(үйлдсэн газар)

Гадаадын иргэн, харьяатын газрын гадаадын иргэний хяналтын улсын (ахлах) байцаагчби, Улсын иргэн-тэй онысарын-ны өдөр дараах ярилцлагыг хийлээ:

Шалгуулагч-д дууны, дүрсний, эсхүл дуу-дүрсний бичлэгээр ярилцлагыг бэхжүүлж байгаа эсэхийг урьдчилан мэдэгдэв.

Ярилцлагыг (орон байр)-д цаг минутад эхлэв.

Биеийн байцаалт:

- 1.Овог, эцгийн болон өөрийн нэр:
- 2.Төрсөн он, сар, өдөр, нас, хүйс:
- 3.Боловсрол, мэргэжил:
- 4.Ажил эрхлэлт:
- 5.Оршин суух хаяг:
- 6.Ял шийтгүүлж байсан эсэх:
- 7.Биед яваа бусад баримт бичгийн дугаар:
- 8.Цахим, шуудангийн хаяг, утасны дугаар:

Ярилцлага хийхэд дугаарын үнэмлэхтэй, өмгөөлөгч (хууль ёсны төлөөлөгч), орчуулагч (хэлмэрч)-ийг оролцуулав.

Асуулт:

.....
.....

Хариулт:

.....
.....

Асуулт:

.....
.....

Хариулт:

.....

.....

гэснээр ярилцлагыгцаг минутад дуусгаж, тэмдэглэлийг танилцуулав.

Ярилцлагын тэмдэглэлд засвар оруулсан эсэх:

Тэмдэглэлд.....

.....

.....засвар оруулав.

ТЭМДЭГЛЭЛ ҮЙЛДСЭН:
ГАДААДЫН ИРГЭНИЙ ХЯНАЛТЫН
УЛСЫН БАЙЦААГЧ

(НЭР)

ЯРИЛЦСАН:
ГАДААДЫН ИРГЭН
(УРИГЧИЙГ ТӨЛӨӨЛӨГЧ)

(НЭР)

9.Шалгуулагч гарын үсэг зурахаас татгалзсан тухай тэмдэглэл:


.....

.....

.....

.....

Гадаадын иргэн, харьяатын газрын
даргын 2021 оны 118 дугаар тушаалын
тавдугаар хавсралт



ОРОЛЦОГЧИЙГ СОНСОХ АЖИЛЛАГААНЫ МЭДЭГДЭЛ

..... он сар.....өдөр

(үйлдсэн газар)

Захиргааны ерөнхий хуулиас:

1.Гадаадын иргэнийг Монгол Улсаас албадан гаргах тухай шийдвэр гарахын өмнө гадаадын иргэний хяналтын улсын (ахлах) байцаагч зөрчилд холбогдсон гадаадын иргэн, харьяалалгүй хүн, уригчийн зөрчлийг шийдвэрлэж, тухайн гадаадын иргэн, харьяалалгүй хүн, эсхүл түүнийг уригч (хууль ёсны төлөөлөгч)-д захиргааны шийдвэр гаргахад ач холбогдол бүхий нөхцөл байдлын талаар тайлбар, санал авах ажиллагааг сонсох ажиллагаа гэнэ.

2.Зөрчилд холбогдогч гадаадын иргэн, харьяалалгүй хүнийг, эсхүл уригч (хууль ёсны төлөөлөгч)-д сонсох ажиллагааны талаарх мэдэгдлийг хүргүүлж, оролцуулна.

3.Сонсох ажиллагааны мэдэгдлийг Захиргааны ерөнхий хуулийн 27 дугаар зүйлийн 27.2 дахь хэсэгт зааснаар хүргүүлж, мөн зүйлийн 27.4 дэх хэсэгт заасан арга хэлбэрээр явуулна.

4.Захиргааны ерөнхий хуулийн 28 дугаар зүйлд заасан тохиолдолд гадаадын иргэнийг Монгол Улсаас албадан гаргах тухай шийдвэр гаргахдаа сонсох ажиллагаа хийхгүй байж болно.

Сонсох ажиллагааг явуулах журам:

Сонсох ажиллагаанд эрх, хууль ёсны ашиг сонирхол нь хөндөгдөж буй гадаадын иргэн, харьяалалгүй хүн, эсхүл түүнийг уригч (хууль ёсны төлөөлөгч)-ийг оролцуулна.

Сонсох ажиллагаа явуулах он, сар, өдөр:

Эхлэх цаг, минут:

Байрлал:

Захиргааны шийдвэр гаргах тухайн асуудлын талаарх мэдээлэл, үндэслэл:

.....
.....
.....

Захиргааны шийдвэр гаргах эрх олгогдсон хууль, захиргааны хэм хэмжээний актын зүйл, заалт:

.....
.....
.....

МЭДЭГДЭЛ ХҮРГҮҮЛСЭН:

ГАДААДЫН ИРГЭНИЙ ХЯНАЛТЫН
УЛСЫН БАЙЦААГЧ

(НЭР)

МЭДЭГДЭЛ ХҮЛЭЭН АВСАН:

ГАДААДЫН ИРГЭН

(НЭР)

СОНСОХ АЖИЛЛАГАА ЯВУУЛСАН ТЭМДЭГЛЭЛ

..... он сар.....өдөр

.....
(үйлдсэн газар)

Гадаадын иргэний эрх зүйн байдлын тухай хуулийн 37 дугаар зүйлийн дахь заалтад зааснаар Улсын иргэн таныг Монгол Улсаас албадан гаргахаар шийдвэрлэсэн тул Захиргааны ерөнхий хуулийн 27 дугаар зүйлийн 27.2-т заасны дагуу сонсох ажиллагааг явуулж байна.

Сонсох ажиллагааны явцад гаргасан хүсэлт буй эсэх /тийм, үгүй/

.....
.....
.....
.....
.....

ТЭМДЭГЛЭЛ ҮЙЛДСЭН:
ГАДААДЫН ИРГЭНИЙ ХЯНАЛТЫН
УЛСЫН БАЙЦААГЧ (НЭР)

СОНСОХ АЖИЛЛАГААНЫ ОРОЛЦОГЧ:
ГАДААДЫН ИРГЭН (НЭР)

Огноо:

Цаг:

СОНСОХ АЖИЛЛАГААНЫ ЯВЦ, ҮР ДҮНГИЙН ТАЛААРХ ТЭМДЭГЛЭЛ

..... он сар.....өдөр

.....
(үйлдсэн газар)

Гадаадын иргэнийг Монгол Улсаас албадан гаргах тухай шийдвэр гарахын өмнөх сонсох ажиллагаа нь эрх, хууль ёсны ашиг сонирхол нь хөндөгдөж буй гадаадын иргэн, харьяалалгүй хүн, эсхүл түүнийг уригч (хууль ёсны төлөөлөгч)-д захиргааны шийдвэр гаргах болсон үндэслэлийг танилцуулж, тэдгээрийн тайлбар, санал гаргах боломжоор хангасан байна.

1.Монгол Улсаас албадан гаргах тухай захиргааны шийдвэрийг танилцуулахад эрх, хууль ёсны ашиг сонирхол нь хөндөгдөж буй гадаадын иргэн, харьяалалгүй хүн, эсхүл уригч (хууль ёсны төлөөлөгч)-ийн аль нь оролцсон болох:

2.Гадаадын иргэнийг Монгол Улсаас албадан гаргах тухай шийдвэр гаргахдаа Захиргааны ерөнхий хуулийн 28 дугаар зүйлд заасан тохиолдолд сонсох ажиллагааг хийхгүй.

3.Сонсох ажиллагааны талаарх мэдэгдлийг хүргүүлсэн байдал:

4.Сонсох ажиллагааны мэдэгдэл хүргүүлсэн он, сар, өдөр:

5.Сонсох ажиллагаа явуулсан он, сар, өдөр:

6.Байршил:

7.Сонсох ажиллагааг явуулсан хэлбэр:

8.Сонсох ажиллагааг эхэлсэн, дууссан цаг, минут:

9.Захиргааны шийдвэр гаргах тухайн асуудлын талаарх мэдээлэл, үндэслэл:

.....
.....
.....

10.Захиргааны шийдвэр гаргах эрх олгосон хууль, захиргааны хэм хэмжээний актын зүйл, заалт:

.....
.....
.....

11.Монгол Улсаас албадан гаргах тухай шийдвэрийг хүлээн зөвшөөрч буй эсэх:

Тийм



Үгүй



12.Сонсох ажиллагааны үеэр гаргасан оролцогчийн тайлбар, санал:

.....
.....
.....

Оролцогчийн гарын үсэг, огноо:

(Гадаадын иргэний хяналтын улсын (ахлах) байцаагчийн бөглөх хэсэг)

Тайлбар, гаргаагүй	санал	Шийдвэр /Бэлгэдэл/ гаргах
Тайлбар, гаргасан	санал	Гадаадын иргэний хяналтын улсын
Хэрэв гаргасан шийдвэрт тусгасан мэдээлэл	санал бол хэрхэн эсэх	Шийдвэрт гаргасан саналыг тусгасан эсэх

Гадаадын иргэнийг Монгол Улсаас албадан гаргах тухай шийдвэрийг танилцуулж, сонсох ажиллагааны талаарх тэмдэглэл хөтөлсөн:

ГАДААДЫН ИРГЭНИЙ ХЯНАЛТЫН
УЛСЫН БАЙЦААГЧ

(НЭР)

Огноо:.....